

## **Gutschigatschi**

**Text und Musik : Luca Maurizio - Tempo: 98**

**Refrain: E A7/**

**I bi dr Gutschigatschi, i suacha ds Gliichgwicht,  
i bi dr Gutschigatschi, khumm und lauf doch mit ...  
I bi dr Gutschigatschi, i suacha ds Gliichgwicht  
uf ama Ast, uf ama Stai, uf ama Ross, uf ama Sail, khumm doch mit!**

Strofe: fis- / cis- / gis- / B7

I suacha ds Gliichgwicht zwüscha Himmel und Ärda,  
zwüscha Mond, Planeta und Stärna,  
zwüscha Gipfel und Hügel, und dr Ströömig vur Schlucht,  
zwüscha-n-Ebbe und Fluat und am Sand vunra Bucht,  
zwüscha dr Wuat vum Vulkan, wo spiilt mit sinara Lava,  
und dr Freud vunra Flüüga ufma frische Kuaflada ...  
I suacha d'Energi, zwüscha Bluama, Biina und miar ...

**Refrain: E A7/**

**Da de dü dai...**

**I bi dr Gutschigatschi, i suacha ds Gliichgwicht ...**

Strofe: fis- / cis- / gis- / B7

I suacha ds Gliichgwicht zwüscha-n-am Wolf und am Hirsch,  
zwüscha Bäch, Otter und Fisch,  
zwüscha Hagel, wo paitscht und Wasser, wo flüsst,  
zwüscha khalta Wind und anra Gems, wo nüsst,  
zwüscha kräftiga Wurzla und tanzanda Blätter,  
zwüscha wechselnda Gsichter vum wolkiga Wätter ...  
I suacha d'Energi, zwüscha Öpfel, Biina und miar ...

**Refrain: E A7/**

**Da de dü dai...**

**I bi dr Gutschigatschi, i suacha ds Gliichgwicht ...**

**FINALE: E / G / E**